

গণপ্রজাতন্ত্রী বাংলাদেশ সরকার  
তথ্য অধিদফতর  
বাংলাদেশ সচিবালয়  
ঢাকা।

**সংবাদ গতিধারা**

ঢাকা, বুধবার ৯ মার্চ ২০১৬, ২৬ ফাল্গুন ১৪২২

আজকের দৈনিক পত্রিকাগুলো নিম্নলিখিত বিষয়গুলোকে প্রাধান্য দিয়ে খবর ছেপেছে :

- ১। মানবতাবিরোধী অপরাধের মামলায় মীর কাসেমের ফাঁসির রায় আপিলেও বহাল
- ২। বিদ্যুৎ খাতের ৫ টিসহ ১৬ প্রকল্প একনেকে অনুমোদন
- ৩। নারীদের আত্মর্যাদাশীল হয়ে উঠতে হবে : প্রধানমন্ত্রী
- ৪। সন্তাসের বিরঞ্জনে সৌন্দি আরবকে সমর্থন দেবে বাংলাদেশ : প্রধানমন্ত্রীর সঙ্গে সৌন্দি পররাষ্ট্রমন্ত্রীর সাক্ষাৎ
- ৫। রিজার্ভের অর্থ ফেরত পেতে মামলা করা হবে : অর্থমন্ত্রী
- ৬। আদালত অবমাননার অভিযোগে দুই মন্ত্রীকে তলব
- ৭। বাংলাদেশ থেকে দক্ষ কর্মী নিতে মালয়ীপের প্রতি আহ্বান : প্রবাসী কল্যাণ মন্ত্রীর সঙ্গে হাইকমিশনারের সাক্ষাৎ
- ৮। শর্ত পূরণে ব্যর্থ বেসরকারি বিশ্ববিদ্যালয় টিকতে দেওয়া হবে না : শিক্ষামন্ত্রী
- ৯। সরকারি চাকুরিজীবীদের সপরিবারে বসবাসের নির্দেশ
- ১০। ভাড়াত্তিয়াদের তথ্য সংগ্রহ সংক্রান্ত রিটের আদেশ ১৩ মার্চ

চলমান পাতা-২

**১। মানবতাবিরোধী অপরাধের মামলায় মীর কাসেমের ফাঁসির রায় আপিলেও বহাল**

একাত্তরে মুক্তিযোদ্ধের সময় সংঘটিত মানবতাবিরোধী অপরাধের অভিযোগে জামায়াতে ইসলামীর নির্বাহী পরিষদের সদস্য ও আলবদর বাহিনীর অন্যতম শীর্ষনেতা মীর কাসেম আলীকে ট্রাইব্যুনালের দেওয়া ফাঁসিতে ঝুলিয়ে মৃত্যুদণ্ডের রায় বহাল রেখেছেন সুপ্রিম কোর্টের আপিল বিভাগ। প্রধান বিচারপতি সুরেন্দ্র কুমার সিনহার নেতৃত্বাধীন পাঁচ সদস্যের আপিল বেঞ্চ গতকাল ৮ মার্চ মঙ্গলবার এ রায় ঘোষণা করেন। সূত্র-ভোরের কাগজ, ইতেফাক, প্রথম আলো, জনকর্ত, ডেইলি স্টার, ডেইলি সান, ইভিপেনডেন্ট সহ অধিকাংশ দৈনিক পত্রিকা এ বিষয়ে লিড নিউজ ছেপেছে।

**২। বিদ্যুৎ খাতের ৫ টিসহ ১৬ প্রকল্প একনেকে অনুমোদন**

বিদ্যুৎ খাতের পাঁচ প্রকল্পসহ মোট ১৬ হাজার ৮৮৭ কোটি ৭৫ লাখ টাকার ১৬ টি উন্নয়ন প্রকল্প অনুমোদন দিয়েছে জাতীয় অর্থনৈতিক পরিষদের নির্বাহী কমিটি (একনেক)। প্রকল্পগুলো বাস্তবায়নে সরকারি অর্থায়ন ১৪ হাজার ৪১ কোটি ২৭ লাখ টাকা, সংস্থার নিজস্ব তহবিল থেকে ৫৯৬ কোটি ২৭ লাখ এবং প্রকল্প সাহায্য থেকে ২ হাজার ২৫০ কোটি ২৭ লাখ টাকা ব্যয় হবে। গতকাল ৮ মার্চ মঙ্গলবার রাজধানীর শেরেবাংলা নগরের এনইসি সম্মেলন কক্ষে অনুষ্ঠিত বৈঠকে এসব প্রকল্প অনুমোদন দেওয়া হয়েছে। এতে সভাপতিত্ব করেন একনেক চেয়ারপারসন ও প্রধানমন্ত্রী শেখ হাসিনা। সূত্র-সংবাদ (শেষ পৃ.,ক.৫), জনকর্ত (শেষ পৃ.,ক.৬), ডেইলি সান (শেষ পৃ.,ক.১), ডেইলি স্টার (শেষ পৃ.,ক.৬)।

**৩। নারীদের আত্মর্যাদাশীল হয়ে উঠতে হবে : প্রধানমন্ত্রী**

প্রধানমন্ত্রী শেখ হাসিনা নারীদের নিজেদের কর্ম, র্যাদা ও আত্মবিশ্বাসের মাধ্যমে স্বাবলম্বি হয়ে উঠার আহ্বান জানিয়ে বলেছেন, আমরা বিভিন্ন ক্ষেত্রে সুযোগ করে দিয়েছি। সেই সুযোগ আমাদের মেয়েদের কাজে লাগাতে হবে। প্রধানমন্ত্রী বলেন, আমাদের কারো মুখাপেক্ষী হলে চলবে না। নিজেদের ভাগ্য নিজেদেরই গড়তে হবে, নিজের পায়ে দাঁড়াতে হবে, আত্মবিশ্বাস নিয়ে চলতে হবে। তবেই র্যাদা পাওয়া যাবে। প্রধানমন্ত্রী শেখ হাসিনা গতকাল ৮ মার্চ মঙ্গলবার বঙ্গবন্ধু আন্তর্জাতিক সম্মেলন কেন্দ্রে আন্তর্জাতিক নারী দিবস-২০১৬ এর উদ্বোধন অনুষ্ঠানে প্রধান অতিথির ভাষণে এ কথা বলেন। সূত্র-সংবাদ (শেষ পৃ.,ক.৪), ইতেফাক (পৃ.১,ক.৬), ডেইলি সান (শেষ পৃ.,ক.৪), ডেইলি স্টার (শেষ পৃ.,ক.১)।

ইনকিলাব, সংবাদ, ভোরের কাগজ, ডেইলি স্টার, নিউজ টুডে, ফিলানশিয়াল এক্সপ্রেস এ বিষয়ে ছবি সহ খবর ছেপেছে।

**৪। সন্ত্রাসের বিরুদ্ধে সৌদি আরবকে সমর্থন দেবে বাংলাদেশ**

**: প্রধানমন্ত্রীর সঙ্গে সৌদি পররাষ্ট্রমন্ত্রীর সাক্ষাৎ**

প্রধানমন্ত্রী শেখ হাসিনা সন্ত্রাস দমন প্রচেষ্টায় সৌদি আরবকে সর্বাত্মক সমর্থন দেওয়ার আশ্বাস দিয়েছেন। সৌদি আরবের পররাষ্ট্রমন্ত্রী আদেল বিন আহমেদ আল জুবেইর প্রধানমন্ত্রী শেখ হাসিনার সঙ্গে সাক্ষাৎকালে প্রধানমন্ত্রী একথা বলেন। প্রধানমন্ত্রী বলেন, বাংলাদেশ সব ধরণের সন্ত্রাসের নিন্দা করে এবং এ ব্যাপারে জিরো টলারেন্স নীতি অনুসরণ করে আসছে। গতকাল ৮ মার্চ মঙ্গলবার গণভবনে এ সাক্ষাৎ অনুষ্ঠিত হয়। সাক্ষাৎ শেষে প্রধানমন্ত্রীর প্রেস সচিব ইহসানুল করিম এসব কথা জানান। সূত্র-যুগান্তর (শেষ পৃ.,ক.৫), ইতেফাক (পৃ.১,ক.১), ইভিপেনডেন্ট (শেষ পৃ.,ক.২), নিউজ টুডে (পৃ.১,ক.২)।

জনকর্ত, সমকাল, প্রথম আলো, যুগান্তর, যায়যায়দিন, ইভিপেনডেন্ট, ডেইলি সান, অবজারভার, নিউজ টুডে, এ বিষয়ে ছবি সহ খবর ছেপেছে।

**৫। রিজার্ভের অর্থ ফেরত পেতে মামলা করা হবে : অর্থমন্ত্রী**

বাংলাদেশ ব্যাংকের অ্যাকাউন্ট থেকে হ্যাকারদের হাতিয়ে নেওয়া অর্থ ফেরত পেতে প্রয়োজনে মামলা করবেন বলে জানিয়ে অর্থমন্ত্রী আবুল মাল আবদুল মুহিত বলেছেন, কেন্দ্রীয় ব্যাংকের নির্দেশনা পাওয়ার আগেই

লেনদেন সম্পন্ন হয়েছে। সুতরাং ফেডারেল রিজার্ভ কোনোমতেই তাদের দায়িত্ব অস্থীকার করতে পারবেন না। হ্যাকারদের এই অর্থ লোপাটে বাংলাদেশ ব্যাংকের কোনো দায় দেখছেন না তিনি। এদিকে বাংলাদেশ ব্যাংকের নামে ফেডারেল রিজার্ভ ব্যাংকে থাকা অ্যাকাউন্ট থেকে অর্থ চুরির অভিযোগ অস্থীকার করেছে যুক্তরাষ্ট্র কেন্দ্রীয় ব্যাংক। যুক্তরাষ্ট্র ফেডারেল রিজার্ভ ব্যাংকের মুখ্যপাত্রের বরাত দিয়ে রয়টার্সের এক প্রতিবেদনে বলা হয়, বাংলাদেশ ব্যাংকের অ্যাকাউন্ট থেকে অর্থ চুরির কোনো নথিপত্র ফেডারেল রিজার্ভ

=৩=

ব্যাংকের কাছে নেই। সূত্র-ভোরের কাগজ (পৃ.১,ক.২), ইন্ডেফাক (শেষ পৃ.,ক.২), ডেইলি সান (পৃ.১,ক.৩), ডেইলি স্টার (পৃ.২,ক.১), ফিনানশিয়াল এক্সপ্রেস এ বিষয়ে লিড নিউজ ছেপেছে।

#### ৬। আদালত অবমাননার অভিযোগে দুই মন্ত্রীকে তলব

খাদ্যমন্ত্রী কামরুল ইসলাম ও মুক্তিযুদ্ধ বিষয়ক মন্ত্রী আ ক ম মোজাম্মেল হককে তলব করেছেন দেশের সর্বোচ্চ আদালত। বিচার প্রশাসনের হস্তক্ষেপ, বিচার বিভাগের মর্যাদা ও কর্তৃত্ব খর্ব এবং সুপ্রিমকোর্টের নিরপেক্ষতাকে ক্ষুণ্ণ করে ও চরম অবমানাকর বক্তব্য দেওয়ায় তাদের প্রতি এ আদেশ দেওয়া হয়। আগামী ১৫ মার্চ সকাল ৯টায় এই দুই মন্ত্রীকে সশরীরে হাজির হতে বলা হয়েছে। পাশাপাশি তাদের বিরঞ্জনে আদালত অবমাননার অভিযোগে একটি নোটিশ জারি করা হয়। গতকাল ৮ মার্চ মঙ্গলবার প্রধান বিচারপতি এসকে সিনহার নেতৃত্বাধীন নয় বিচারপতির পূর্ণাঙ্গ আপিল বিভাগ এ আদেশ দেন। সূত্র-যুগান্তর (পৃ.১,ক.৭), ইন্ডেফাক (পৃ.১,ক.২), ইন্ডিপেনডেন্ট (পৃ.১,ক.৬), নিউজ টুডে (পৃ.১,ক.৮)।

#### ৭। বাংলাদেশ থেকে দক্ষ কর্মী নিতে মালদ্বীপের প্রতি আহ্বান

: প্রবাসী কল্যাণ মন্ত্রীর সঙ্গে হাইকমিশনারের সাক্ষাৎ

বাংলাদেশ থেকে দক্ষ কর্মী নেওয়ার জন্য মালদ্বীপের প্রতি আহ্বান জানানো হয়েছে। গতকাল ৮ মার্চ মঙ্গলবার বাংলাদেশে নিযুক্ত মালদ্বীপের হাইকমিশনার ড. মুহাম্মদ আসিমের সঙ্গে সাক্ষাৎকালে প্রবাসী কল্যাণ ও বৈদেশিক কর্মসংস্থান মন্ত্রী নুরুল ইসলাম বিএসসি এই আহ্বান জানান। মন্ত্রণালয়ে সাক্ষাৎকালে বাংলাদেশ থেকে মালদ্বীপে কর্মী প্রেরণের বিষয়ে সার্বিক আলোচনা হয়। সূত্র-ইন্ডেফাক (পৃ.৩,ক.৬), সংবাদ (পৃ.১৪,ক.২), যুগান্তর (পৃ.২,ক.৭), নিউ নেশন (শেষ পৃ.,ক.৮)।

#### ৮। শর্ত পূরণে ব্যর্থ বেসরকারি বিশ্ববিদ্যালয় টিকতে দেওয়া হবে না : শিক্ষামন্ত্রী

শিক্ষামন্ত্রী নুরুল ইসলাম নাহিদ বলেছেন, ‘শর্ত পূরণে ব্যর্থ ও দুর্নাম কুড়িয়েছে এমন বেসরকারি বিশ্ববিদ্যালয় টিকে থাকতে দেব না। আমরা ভালো বিশ্ববিদ্যালয় চাই, সেটা হোক সরকারি বা বেসরকারি। তবে বেসরকারি বিশ্ববিদ্যালয়গুলোকে নির্ধারিত সময়ের মধ্যে শর্ত পূরণ করতে হবে। তা না হলে দ্রুত এসব বিশ্ববিদ্যালয় বক্সে পদক্ষেপ নেওয়া হবে। রাজশাহীতে বরেন্দ্র বিশ্ববিদ্যালয়ের চতুর্থ প্রতিষ্ঠাবার্ষিকীর অনুষ্ঠানে গতকাল ৮ মার্চ মঙ্গলবার তিনি এসব কথা বলেন। সূত্র-যুগান্তর (পৃ.২,ক.৭), সংবাদ (শেষ পৃ.,ক.৬), ইন্ডিপেনডেন্ট (পৃ.৩,ক.৬), নিউজ টুডে (পৃ.২,ক.২)।

#### ৯। সরকারি চাকুরিজীবীদের সপরিবারে বসবাসের নির্দেশ

সরকারি কর্মকর্তাদের সার্বক্ষণিক মাঠপর্যায়ে অবস্থানের জন্য চাকুরিজীবীদের স্ত্রী বা স্বামীকে একই কিংবা নিকটবর্তী কর্মসূলে পদায়ন বা বদলির নির্দেশ দিয়েছে সরকার। একই সঙ্গে তাদের স্বাস্থ্যের সংশ্লিষ্ট এলাকার শিক্ষাপ্রতিষ্ঠানে ভর্তির বিষয়ে নির্দেশনা দেওয়া হয়েছে। কর্মকর্তাদের জন্য প্রয়োজনীয় আবাসন ব্যবস্থাও নিশ্চিত করতে বলেছে সরকার। গতকাল ৮ মার্চ মঙ্গলবার মন্ত্রিপরিষদ বিভাগ এ সংক্রান্ত নির্দেশনা জারি করে। সূত্র-

ভোরের কাগজ (পৃ.১,ক.৪), যুগ্মত্ব (শেষ পৃ.,ক.৬)।

**১০। ভাড়াটিয়াদের তথ্য সংগ্রহ সংক্রান্ত রিটের আদেশ ১৩ মার্চ**

রাজধানীর বাড়ির মালিকদের মাধ্যমে ভাড়াটিয়াদের ব্যক্তিগত তথ্য চাওয়ার বৈধতা চ্যালেঞ্জ করে রিটের আদেশ আগামী ১৩ মার্চ দেওয়া হবে। গতকাল ৮ মার্চ মঙ্গলবার বিচারপতি মইনুল ইসলাম চৌধুরী ও বিচারপতি ইকবাল কবিরের বেঞ্চে শুণানি শেষে আদেশের জন্য এ দিন ঠিক করেন। সূত্র-ইনকিলাব (পৃ.১,ক.৩), প্রথম আলো (পৃ.১৭,ক.১), অবজারভার (শেষ পৃ.,ক.৮), ডেইলি স্টার (পৃ.৩,ক.২)।

**=8=**

**সম্পাদকীয়**

- ক. **প্রথম আলো, যুগ্মত্ব, সংবাদ :** একান্তরের মানবতাবিরোধী অপরাধে মীর কাসেমের ফাঁসি বহাল থাকার ঘটনায় ন্যায় বিচার প্রতিষ্ঠা পেয়েছে এবং আইনের শাসনের জয় হয়েছে বলে অভিমত।
- খ. **সংবাদ :** ব্যাংকসহ আর্থিক প্রতিষ্ঠানে অনিয়ম বন্ধ করতে হলে ব্যাংকিং বিভাগকে বাংলাদেশ ব্যাংকের একক কর্তৃত্বে নিয়ে আসার সুপারিশ।
- গ. **জনকর্ত্তা, নিউজ টুডে :** সাইবার অপরাধ ক্রমাগত বেড়ে যাওয়ায় ফেসবুকের মাধ্যমেই ফেসবুক বিষয়ক প্রতারণা ও অন্য অপরাধ সম্বন্ধে সচেতন করার উদ্যোগ নেওয়ার আহ্বান।
- ঘ. **যুগ্মত্ব :** গাছ চাপা পড়ে এক শিল্পীর মৃত্যুর বিষয় তুলে ধরে বাড়ের পরপর রাজধানীসহ সারা দেশের সড়ক, স্থাপনা, গাছগাছালিসহ সার্বিক অবস্থার খোঁজখবর নিয়ে এ ধরণের অনাকাঙ্খিত ঘটনা প্রতিরোধে ব্যবস্থা নেওয়ার ওপর গুরুত্বারোপ।
- ঙ. **ইনকিলাব, নিউ এজ :** বাংলাদেশ ব্যাংকের নিউ ইয়র্কের ফেডারেল রিজার্ভ ব্যাংকের বৈদেশিক মুদ্রার রিজার্ভ থেকে প্রায় ৮শ কোটি টাকা চুরি হয়ে যাওয়ার ঘটনায় জড়িত জালিয়াতিদের শনাক্ত করে আইনের আওতায় আনার আহ্বান।
- চ. **ইভিপেনডেন্ট :** বগুড়া জেলার শিক্ষিত তরুণদের স্বাবলম্বি করতে এনজিও পরিচালিত অনলাইন আউটসোসিং এর ওপর তিন মাসের রেসিডেন্স কোর্স চালুর উদ্যোগের সাফল্যের প্রত্যাশা।
- ছ. **ডেইলি স্টার :** মেয়েদের জন্য কারিগরি শিক্ষার সভাবনা ও সুযোগ কাজে লাগিয়ে তাদের দক্ষতা বাড়িয়ে চাকরিতে নিয়োগের নিশ্চয়তা বিধানের আহ্বান।
- জ. **ডেইলি সান :** খুলনা শহরের ৯টি শিশুপার্ক শিশুদের জন্য ব্যবহার উপযোগী ও নিরাপদ রাখতে যথাযথ ব্যবস্থা নেওয়ার প্রত্যাশা ব্যক্ত।
- ঝ. **অবজারভার :** রাজনৈতিক কর্মসূচির কারণে রাজধানীর যানজট সমস্যা আরও প্রকট আকার ধারণ করে উল্লেখ করে এ ধরণের কর্মসূচি পালনে আরও সতর্ক হওয়ার আহ্বান জানিয়ে সম্পাদকীয় প্রকাশ করেছে।

**উপ-সম্পাদকীয়**

প্রথম আলো পত্রিকায় প্রকাশিত কলামে সৌহার্দ্যপূর্ণ সম্পর্ক ও আন্তর্জাতিক আইনকে কাজে লাগিয়ে তিক্তার পানিবন্টনে ন্যায়সংগত অধিকার আদায়ে সরকারকে আরও তৎপর হতে হবে বলে উল্লেখ

করা হয়েছে।

### নিবন্ধ ও ফিচার

সংবাদ পত্রিকায় প্রকাশিত ‘ঢাকার যানজট : বিড়ুতনায় বিদেশিরাও’ শিরোনামের নিবন্ধে খন্দকার মুনতাসীর মামুন তীব্র যানজটের ফলে ঢাকার বাসযোগ্যতা, পরিবেশ এবং বিদেশি বিনিয়োগের সম্ভাবনা ভীষণভাবে ক্ষতিগ্রস্ত হচ্ছে এবং এর সঙ্গে ভয়াবহ আর্থিক ক্ষতির সম্মুখীন হচ্ছে বাংলাদেশ বলে অভিমত প্রকাশ করেছেন।

#

ফারহানা/মরজিনা/রশীদ/২০১৬/৯.০০ ঘণ্টা